



CRNA GORA
OSNOVNO DRŽAVNO TUŽILAŠTVO-ROŽAJE
TUSPI. br. 3/23
Rožaje, 26.april 2023. godine
AK/BR

Na osnovu čl. 30. Zakona o slobodnom pristupu informacijama (Sl. list RCG br. 44/2012, 30/17), rješavajući po zahtjevu **HRA Akcija za ljudska prava**, od 25.04.2023 godine, Osnovno državno tužilaštvo u Rožajama, dana 26.04.2023. godine, donosi

RJEŠENJE

DOZVOLJAVA se **HRA Akcija za ljudska prava**, slobodan pristup informacijama, traženih zahtjevom od 25.04.2023. godine.

O b r a z l o ž e n j e

HRA Akcija za ljudska prava, podnijela je ovom tužilaštvu elektronskim putem zahtjev za slobodan pristup informacijama, dana 25.04.2023.godine, i to:

a) Informacije o broju podnijetih krivičnih prijava Osnovnom državnom tužilaštvu u Rožajama za krivična djela:

- Zlostavljanje iz čl. 166a, st 2 KZCG
- Mučenje iz čl. 167 st. 2 KZCG
- Iznudivanje iskaza iz čl. 166 st. 1 i 2 KZCG
- Teška tjelesna povreda iz čl. 151 st. 1, 2 i 3 KZCG
- Laka tjelesna povreda iz čl. 152 st. 1 i 2 KZCG
- Nasilničko ponašanje iz čl. 399 KZCG, u kojima su okrivljeni službena lica.

b) Kopije potvrđenih optužnica za navedena krivična djela protiv službenih lica u prethodno navedenom periodu.

Nakon razmatranja zahtjeva, utvrđeno je da ne postoje ograničenja pristupa informacijama sadržanih u čl. 14. Zakona o slobodnom pristupu informacijama, te je, postupajući u skladu sa podnijetim zahtjevom, Osnovno državno tužilaštvo u Rožajama odlučilo kao u dispozitivu rješenja.

OBRADIO:
SAMOSTALNI SAVJETNIK
ZA SLOBODAN PRISTUP INFORMACIJAMA
Arif Kardović



RUKOVODILAC OSNOVNOG
DRŽAVNOG TUŽILAŠTVA

Aldin Kalac

PRAVNA POUKA: protiv ovog rješenja može se izjaviti žalba u roku od 15 (petnaest) dana od dana prijema istog i to Agenciji za zaštitu podataka o ličnosti i slobodan pristup informacijama.

Prilog: - informacija.



CRNA GORA
OSNOVNO DRŽAVNO TUŽILAŠTVO-ROŽAJE
TUSPI. br. 3/23
Rožaje, 26.april 2023. godine
AK/BR

Shodno Rješenju TU SPI br. 3/23 od 26. aprila 2023. godine, a nakon izvršenog uvida u službenu evidenciju Osnovnog državnog tužilaštva u Rožajama, podnosiocu zahtjeva za slobodan pristup informacijama NVO „Akcija za ljudska prava“ iz Podgorice dostavljamo sljedeću:

I N F O R M A C I J U

- a) Osnovno državno tužilaštvo u Rožajama za traženi vremenski period nije imalo u radu podnijetih krivičnih prijava za krivična djela navedena u zahtjevu, u kojima su okrivljeni službena lica.
- b) Osnovno državno tužilaštvo u Rožajama za traženi vremenski period nije imalo u radu potvrđenih optužnica za krivična djela navedena u zahtjevu, protiv službenih lica.

